

**«ԲԱՐՁՐԱՎՈՒՆ ԷԼԵԿՏՐԱՑԱՆՑԵՐ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ԿԱՐԻՔՆԵՐԻ
ՀԱՄԱՐ 2018 ԹՎԱԿԱՆԻ ՀԱՄԱՐ ՏԱՐԵԿԱՆ ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐԻ
ԱՌԻԴԻՏԻ ԾԱՌԱՅՈՒԹՅՈՒՆՆԵՐԻ ԳՆՄԱՆ ՊԱՅՄԱՆԱԳԻՐ
N ԲԷՑ-ԳՀԾՁԲ-19/06**

ք. Երևան

«08» Եւլիս 2019թ.

«Բարձրավուտ էլեկտրացանցեր» ՓԲԸ-ն, ի դեմս գլխավոր տնօրեն Հայկ Հարությունյանի, որը գործում է ընկերության կանոնադրության հիման վրա (այսուհետ՝ Պատվիրատու), մի կողմից, և «Բի-Դի-Օ Արմենիա» ՓԲԸ-ն, ի դեմս տնօրեն Վահագն Սահակյանի, որը գործում է ընկերության կանոնադրության հիման վրա (այսուհետ՝ Կատարող), մյուս կողմից, (այսուհետ՝ Կողմեր) կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1 Պատվիրատուն հանձնարարում է, իսկ Կատարողը ստանձնում է 2018 թվականի համար տարեկան ֆինանսական հաշվետվությունների աուդիտի ծառայությունների մատուցման պարտավորությունը (այսուհետ՝ Ծառայություն)՝ համաձայն սույն պայմանագրի (այսուհետ՝ Պայմանագիր) անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Ծառայությունը մատուցվում է Պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից մատուցվող ծառայության ընթացքը և որակը՝ առանց միջամտելու Կատարողի գործունեությանը.

2.1.2 Եթե մատուցվել է Պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող Ծառայություն.

ա) Չընդունել Ծառայությունը՝ իր հայեցողությամբ սահմանելով անպատշաճ որակի Ծառայությունը Պայմանագրին համապատասխանող Ծառայությամբ անհատույց փոխարինման ողջամիտ ժամկետ և պահանջել Կատարողից վճարելու Պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Հրաժարվել Պայմանագիրը կատարելուց և պահանջել վերադարձնելու Ծառայության համար վճարված գումարը և պահանջել Կատարողից վճարելու Պայմանագրի 5.2 կետով նախատեսված տուգանքը.

2.1.3 Միակողմանի լուծել Պայմանագիրը, եթե Կատարողն էականորեն խախտել է Պայմանագիրը: Կատարողի կողմից Պայմանագիրը խախտելն էական է համարվում, եթե՝

ա) մատուցված Ծառայությունը չի համապատասխանում Պայմանագրի N 1 հավելվածով սահմանված պահանջներին,

բ) խախտվել է Ծառայության մատուցման ժամկետը:

2.2 Պատվիրատուն պարտավոր է՝

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված Ծառայության արդյունքը, իսկ Ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև Պայմանագրի 5.5 կետով նախատեսված տույժը:

2.3 Կատարողն իրավունք ունի՝

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից Պայմանագրի 4.2 կետում նշված ժամկետի խախտման դեպքում նաև Պայմանագրի 5.5 կետով նախատեսված տույժը:

2.4 Կատարողը պարտավոր է՝

2.4.1 Պայմանագրի N 1 հավելվածով սահմանված պայմաններով ապահովել Ծառայության մատուցումը՝ ղեկավարվելով գործող օրենսդրությամբ:

2.4.2 Պայմանագրով նախատեսված դեպքերում վճարել Պայմանագրի 5.2 և 5.3 կետերով նախատեսված տույժը և տուգանքը:

2.4.3 Պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Մատուցված Ծառայությունն ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Ծառայությունը Պատվիրատուին հանձնելու փաստը ֆիքսվում է Պատվիրատուի և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև Պայմանագրով Ծառայության մատուցման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ Ծառայությունը Պատվիրատուին հանձնելու փաստը ֆիքսող փաստաթուղթը (հավելված N 3.1), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է www.procurement.am հասցեով գործող կայքի «էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 3): Ընդ որում Կատարողը հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է www.procurement.am հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

3.2 Եթե մատուցված Ծառայությունը համապատասխանում է Պայմանագրի պայմաններին, Պատվիրատուն Պայմանագրի 3.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 15 աշխատանքային օրվա ընթացքում ստորագրում և էլեկտրոնային գնումների armeps համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

3.3 Եթե մատուցված Ծառայությունը կամ դրա մի մասը չի համապատասխանում Պայմանագրի պայմաններին, ապա Պատվիրատուն չի ստորագրում հանձնման-ընդունման արձանագրությունը և Պայմանագրի 3.2 կետում նշված ժամկետում էլեկտրոնային գնումների armeps համակարգի միջոցով Կատարողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Պատվիրատուն ձեռնարկում է նման իրավիճակի համար Պայմանագրով նախատեսված միջոցները և Կատարողի նկատմամբ կիրառում է Պայմանագրով նախատեսված պատասխանատվության միջոցներ:

3.4 Եթե Պայմանագրի 3.2 կետով սահմանված ժամկետում Պատվիրատուն չի ընդունում մատուցված Ծառայությունը կամ չի մերժում դրա ընդունումը, ապա մատուցված Ծառայությունը համարվում է ընդունված և Պայմանագրի 3.2 կետով սահմանված վերջնաժամկետին հաջորդող աշխատանքային օրը Պատվիրատուն էլեկտրոնային գնումների համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը:

4. ՊԱՅՄԱՆԱԳՐԻ ԳԻՆԸ

4.1. Սույն Պայմանագրով Կատարողի մատուցման ենթակա Ծառայության գինը կազմում է 10 140 000 (տասը միլիոն հարյուր քառասուն հազար) ՀՀ դրամ, ներառյալ ԱԱՀ-ն:

Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն իրեն մատուցած Ծառայության դիմաց վճարում է ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ Պայմանագրի վճարման ժամանակացույցով (հավելված N 2) նախատեսված չափերով և ամիսներին՝ հանձնման-ընդունման արձանագրության հաստատման օրվանից հաշված 30 աշխատանքային օրվա ընթացքում:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում Ծառայության մատուցման՝ Պայմանագրի պահանջների պահպանման համար:

5.2 Պայմանագրի N 1 հավելվածում նշված տեխնիկական բնութագրին չհամապատասխանող Ծառայություն մատուցելու յուրաքանչյուր դեպքում Կատարողից գանձվում է տուգանք՝ Պայմանագրի 4.1 կետում նախատեսված գումարի 0,5 (գրո ամբողջ հինգ տասնորդական) տոկոսի չափով:

5.3 Պայմանագրով նախատեսված Ծառայության մատուցման ժամկետը խախտելու դեպքում Կատարողից յուրաքանչյուր ուշացված օրվա համար գանձվում է տույժ՝ մատուցման ենթակա, սակայն չմատուցված Ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են Ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից Պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Պայմանագրով չնախատեսված դեպքերում Կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. ԱՆՀԱՂԹԱՀԱՐԵԼԻ ՌԻՏԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

Սույն Պայմանագրով և սույն Պայմանագրի հիման վրա կնքված համաձայնագրերով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն Պայմանագրով պարտավորությունների կատարումը: Եթե անհաղթահարելի ուժի ազդեցությունը շարունակվում է 3 (երեք) ամսից ավելի, ապա Կողմերից յուրաքանչյուրն իրավունք ունի լուծել Պայմանագիրը՝ այդ մասին նախապես տեղյակ պահելով մյուս կողմին:

7. ԱՅԼ ՊԱՅՄԱՆՆԵՐ

7.1 Պայմանագիրն ուժի մեջ է մտնում Կողմերի ստորագրման պահից և գործում է մինչև Կողմերի Պայմանագրով ստանձնած պարտավորությունների ողջ ծավալով կատարումը:

7.2 Պայմանագրից ծագած կողմի վճարային պարտավորությունը չի կարող դադարել այլ Պայմանագրից ծագած՝ հակընդդեմ պարտավորության հաշվանցով, առանց Կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև Պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու Պայմանագիրը, եթե արձանագրված խախտումները մինչև Պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային Պայմանագիրը չկնքելու համար: Ընդ որում, Պատվիրատուն չի կրում Պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով Պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա Պայմանագրի անբաժանելի մասը:

Արգելվում է Պայմանագրում և (կամ) Պայմանագրին կից հաջորդող յուրաքանչյուր տարիներին կնքված համաձայնագրերում կատարել այնպիսի փոփոխություններ, որոնք հանգեցնում են գնվող Ծառայության ծավալների կամ ձեռք բերվող Ծառայության միավորի գնի կամ Պայմանագրի գնի արհեստական փոփոխման:

Պայմանագրի Կողմերից անկախ գործոնների ազդեցությամբ Պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

7.6 Ծառայության մատուցման ժամկետը կարող է երկարաձգվել մինչև Պայմանագրով այդ ժամկետը լրանալը՝ Կատարողի առաջարկության առկայության դեպքում՝ պայմանով, որ Պատվիրատուի մոտ չի վերացել

առաջարկի օգտագործման պահանջը: Ընդ որում սույն կետով սահմանված դեպքում Ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան Պայմանագրով սահմանված ժամկետն է:

7.7 Պայմանագրի պատշաճ կատարման պայմաններում Կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի Կողմերի՝ երրորդ անձանց նկատմամբ պարտավորությունները՝ ներառյալ Պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են Պայմանագրի կարգավորման դաշտից և չեն կարող ազդել Պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.8 Պայմանագիրը չի կարող փոփոխվել Կողմերի պարտավորությունների մասնակի չկատարման հետևանքով կամ ամբողջությամբ լուծվել Կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով Ծառայության մատուցման համար անհրաժեշտ ֆինանսական հատկացումների նվազեցման դեպքերի: Ընդ որում, Պայմանագրի Կողմերի՝ պարտավորությունների մասնակի չկատարման կամ ամբողջությամբ լուծման Կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով Ծառայության մատուցման համար անհրաժեշտ ֆինանսական հատկացումների նվազեցումը:

7.9 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով Պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է www.procurement.am հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, Պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից:

7.10 Սույն Պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:


7.11 Սույն Պայմանագիրը կազմված է 19 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն Պայմանագրի N 1, N 2, N 3 և N 3.1 հավելվածները հանդիսանում են Պայմանագրի անբաժանելի մասը, յուրաքանչյուր կողմին տրվում է Պայմանագրի մեկ օրինակ:


7.12 Սույն Պայմանագրի նկատմամբ կիրառվում է Հայաստանի Հանրապետության իրավունքը:

8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Պ Ա Տ Վ Ի Ր Ա Տ ՈՒ

«Բարձրավոլտ էլեկտրացանցեր» ՓԲԸ
Հասցե՝ ք. Երևան, Զ. Անդրանիկի փող. 1
«Հայբիզնեսբանկ» Մալաթիա մ/ճ
Հ/Հ 1150001172630300
ՀՎՀՀ 01522459
Խորհրդի նախագահող՝





(ստորագրություն)
Կ.Տ.


Թ. Մաղոյան

Կ Ա Տ Ա Ր Ո Ղ

«Բի-Դի-Օ Արմենիա» ՓԲԸ
Հասցե՝ ք. Երևան, Դ. Անհաղթի 23/6, 5-րդ հարկ
Ամերիաբանկ ՓԲԸ
Հ/Հ 1570013745270100
ՀՎՀՀ 01569792
Տնօրեն՝



(ստորագրություն)
Կ.Տ.


Վ. Սահակյան

ՏԵԽՆԻԿԱԿԱՆ ԲՆՈՒԹԱԳԻՐ - ԳՆԱՆ ԺԱՄԱՆԱԿԱՑՈՒՅՑ*

հրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՍԱ դասակարգման (CPV)	տեխնիկական բնութագիրը	չափման միավորը	ընդհանուր գինը/ՀՀ դրամ	ընդհանուր քանակը	մատուցման	
						հասցեն	ժամկետը**
1	79211160/1	<p>2018թ. դեկտեմբերի 31-ին ավարտված տարվա համար «Բարձրակյտ էլեկտրացանցեր» ՓԲԸ /այսուհետ՝ Ընկերություն/ ֆինանսական հաշվետվությունների աուդիտի ծառայություն</p> <p>1. Նպատակը</p> <p>Ընկերության ֆինանսական հաշվետվությունների աուդիտի նպատակն է աուդիտորին թույլ տալ կարծիք հայտնել ըստ Հաշվապահական Հաշվառման Միջազգային Ստանդարտների խորհրդի (ՀՀՄՍԽ) կողմից հրապարակվող ֆինանսական Հաշվետվությունների Միջազգային Ստանդարտների (ՖՀՄՍ) հիման վրա կազմված «ԲԷՑ» ՓԲԸ (համախմբված)՝ ֆինանսական հաշվետվությունների վերաբերյալ:</p> <p>Ըստ ՀՀՄՍ 1-ի՝ ֆինանսական հաշվետվությունների ամբողջական փաթեթը ներառում է հետևյալ բաղադրիչները.</p> <p>(ա) ֆինանսական վիճակի մասին հաշվետվություն՝ տարվա վերջի դրությամբ,</p> <p>(բ) Շահույթի կամ վնասի և այլ համապարփակ ֆինանսական արդյունքի մասին համախմբված հաշվետվություն՝ տվյալ տարվա համար,</p>	դրամ	10140000	1	ք. Երևան, 2. Անդրանիկի փող. 1	Պայմանագիրը ուժի մեջ մտնելու օրվանից հաշված 30 օրացուցային օր

* Համաձայն ՖՀՄՍ 10-ի՝ համախմբված ֆինանսական հաշվետվությունների կազմումն անհրաժեշտ է այն դեպքում, երբ կառույցն ունի դուռտոր ձեռնարկություններ:

(գ) Սեփական կապիտալում փոփոխությունների մասին հաշվետվություն՝ տվյալ տարվա համար,

(դ) Դրամական միջոցների հոսքերի մասին հաշվետվություն՝ տվյալ տարվա համար,

(ե) Ծանոթագրություններ, որոնք բաղկացած են հաշվապահական հաշվառման բաղաբաղանդի նշանակալի մասերի վերաբերյալ համառոտագրից և այլ բացատրական տեղեկատվությունից, ինչպես նաև համաձայն ՀՀՍՍ 1-ի՝ նախորդ ժամանակաշրջանի վերաբերյալ համարելի տեղեկատվություն,

(զ) Ֆինանսական վիճակի մասին հաշվետվություն՝ համարելի ամենավաղ ժամանակաշրջանի սկզբի դրությամբ, երբ կազմակերպությունը հաշվապահական հաշվառման քաղաքականությունը կիրառում է հետընթաց, կամ կատարում է ֆինանսական հաշվետվությունների հոդվածների հետընթաց վերահաշվարկ, կամ երբ վերադասակարգում է իր ֆինանսական հաշվետվությունների հոդվածները՝ համաձայն համապատասխան պարագրաֆների:

Ընկերության հաշվապահական հաշվառման գրանցումները հանդիսանում են ֆինանսական հաշվետվությունների պատրաստման իրիք և կատարվում են գործարքների արտացոլման նպատակով:

2.Ֆինանսական հաշվետվությունների պատրաստման պատասխանատվությունը

Ֆինանսական հաշվետվությունների պատրաստման համար, ներառյալ տեղեկատվության բավարար բացահայտումը, պատասխանատու է Ընկերության ղեկավարությունը: Սա ներառում է համարժեք հաշվապահական գրառումների պահպանումը և ներքին հսկողության իրականացումը, հաշվապահական քաղաքականության ընտրությունն ու կիրառությունը և ծրագրի ակտիվների պահպանումը: Որպես աուդիտի գործընթացի մաս՝ աուդիտորները պետք է Ընկերության ղեկավարությունից պահանջեն գրավոր հաստատում աուդիտի իրականացման փաստի վերաբերյալ:

3. Ծառայությունների ծավալը

Աուդիտը կիրականացվի համաձայն Հաշվապահների միջազգային ֆեդերացիայի (<ՄՖ>) Աուդիտի և հավաստիացման ստանդարտների միջազգային խորհրդի հրապարակած Աուդիտի միջազգային ստանդարտների (ԱՄՍ): Այդ ստանդարտները պահանջում են, որպեսզի աուդիտորն աուդիտը պլանավորի և իրականացնի այնպես, որպեսզի ստացվի բավարար հավաստիացում առ այն, որ ֆինանսական հաշվետվությունները զուրկ են նշանակալի անճշտություններից: Աուդիտի ընթացքում ընտրանքային եղանակով ուսումնասիրվում են ֆինանսական հաշվետվություններում ներկայացված զումարներն ու բացահայտումները հիմնավորող փաստերը: Աուդիտը ներառում է նաև օգտագործված հաշվապահական սկզբունքների և ղեկավարության կողմից կատարված հիմնական գնահատականների գնահատում, ինչպես նաև ֆինանսական հաշվետվությունների ընդհանուր ներկայացման գնահատում:

ԱՄՍ-ին համապատասխանությունն ապահովելու ընթացքում աուդիտորը հատկապես պետք է ուշադրություն դարձնի հետևյալ խնդիրներին, ներառյալ պետական ոլորտի մարմիններին վերաբերող հատուկ նկատառումները.

ա) Ըստ Աուդիտի միջազգային ստանդարտ 240-ի (Ֆինանսական հաշվետվությունների աուդիտի ժամանակ խարդախության ռեպբերի հետ կապված աուդիտորի պարտականությունները)՝ աուդիտի պլանավորման և իրականացման ընթացքում աուդիտի ռիսկը մինչև ընդունելի մակարդակը նվազեցնելու նպատակով աուդիտորը պետք է հաշվի առնի խարդախության պատճառով ֆինանսական հաշվետվություններում տեղ գտած նշանակալից անճշտությունների ռիսկերը:

բ) Ըստ Աուդիտի միջազգային ստանդարտ 250-ի (Ֆինանսական հաշվետվությունների աուդիտի ժամանակ օրենքների և օրենսդրական դաշտի պահանջների կատարումը)՝ աուդիտի գործընթացի պլանավորման և իրականացման, ինչպես նաև արդյունքների գնահատման և ներկայացման ժամանակ աուդիտորը պետք է հաշվի առնի, որ կառույցի կողմից օրենքների և կարգավորման դաշտի պահանջների չկատարումը կարող է էապես ազդել ֆինանսական հաշվետվությունների վրա:

գ) Ըստ Աուդիտի միջազգային ստանդարտ 260-ի (Ընկերության

կատարված համար պատասխանատուներին աուդիտի հետ կապված խնդիրների մասին հաղորդում՝ աուդիտորը ֆինանսական հաշվետվությունների աուդիտի ժամանակ ընկերության կատարված մարմնին պետք է տեղեկացնի կառավարչական հետաքրքրություններ կայացնող խնդիրների մասին:

դ) Ըստ Աուդիտի միջազգային ստանդարտ 265-ի (Կատարված և ղեկավարման համար պատասխանատուներին ներքին հսկողության բացթողումների մասին տեղեկացում)՝ աուդիտորը ֆինանսական հաշվետվությունների աուդիտի ժամանակ ներքին հսկողության հայտնաբերված թերությունների մասին պետք է պատշաճ կերպով տեղեկացնի կատարված և ղեկավարման համար պատասխանատուներին:

ե) Ըստ Աուդիտի միջազգային ստանդարտ 330-ի (Աուդիտորի ընթացակարգերը գնահատված ռիսկերին արձագանքելիս)՝ Աուդիտի ռիսկն ընդունելի մակարդակի նվազեցնելու նպատակով աուդիտորը պետք է որոշի իր արձագանքը ֆինանսական հաշվետվությունների մակարդակով գնահատված ռիսկերի նկատմամբ և պնդումների մակարդակով գնահատված ռիսկերին արձագանքելու նպատակով մշակի և իրականացնի աուդիտի լրացուցիչ ընթացակարգեր:

զ) Ըստ Աուդիտի միջազգային ստանդարտ 402-ի (Աուդիտի նկատառումները ծառայություններ մատուցող ընկերություն ներգրաված կառույցի վերաբերյալ)՝ այն դեպքերում, երբ տվյալ կառույցի գործառնությունների մի մասն իրականացնում է ծառայություններ մատուցող երրորդ կողմը, ապա աուդիտորը աուդիտի գործընթացի ժամանակ պետք է ներառի ծառայություններ մատուցող ընկերության ներքին հսկողության միջավայրին վերաբերող նկատառումներ և գնահատականներ:

է) Ըստ Աուդիտի միջազգային ստանդարտ 580-ի (գրավոր ներկայացում)՝ որպես աուդիտի գործընթացի բաղկացուցիչ՝ աուդիտորը Ընկերության ղեկավարությունից կամ, համապատասխան դեպքերում, կառավարող մարմնից պետք է ստանա աուդիտի փաստն արձանագրող նամակ:

4. Ծառայությունների լրացուցիչ ծավալը

Աուդիտորը պետք է պարտադիր ուսումնասիրի և եզրակացություն ներկայացնի միջազգային կազմակերպությունների կողմից ֆինանսավորվող վարկային ծրագրերի նպատակային

<p>օգտագործման վերաբերյալ ստորև ներկայացված վարկային համաձայնագրերի համաձայն:</p>	<p>1. Գերմանիայի Դաշնային Հանրապետության Վերականգնման վարկերի բանկի (KfW), Հայաստանի Հանրապետության և Ընկերության միջև 30.01.2009թ. ստորագրված «Ծրագրի ֆինանսավորման և վարկի տրման» պայմանագիր: Ծրագիր՝ «Գյուղի-2» 220/110/10կՎ ենթակայանի վերականգնում (BMZ 2007.66.253): Վարկի գումարը՝ 14.600.000 (տասնչորս միլիոն վեց հարյուր հազար) եվրո:</p>	<p>2. Հայաստանի Հանրապետության և Վերակառուցման և զարգացման միջազգային բանկի («Համաշխարհային բանկ») միջև 2011թ. հունիսի 1-ին ստորագրված «Էլեկտրամատակարարման հուսալիություն» ծրագիր N 8055-AM համաձայնագիր: Վարկի գումարը՝ 39.000.000 (երեսունինը միլիոն) ԱՄՆ դոլար:</p>	<p>3. Հայաստանի Հանրապետության և Վերակառուցման և Ջարգացման միջազգային Բանկի («Համաշխարհային բանկ») միջև 2014թ. օգոստոսի 6-ին ստորագրված «Էլեկտրամատակարարման հուսալիություն ծրագրի լրացուցիչ ֆինանսավորում» ծրագիր N 8388-AM վարկային համաձայնագիր: Վարկի գումարը՝ 37.500.000 (երեսունյոթ միլիոն հինգ հարյուր հազար) ԱՄՆ դոլար:</p>	<p>4. Վերակառուցման և զարգացման միջազգային բանկի և ՀՀ Կառավարության միջև 2015թ. ապրիլի 8-ին ստորագրված «Էլեկտրահաղորդման ցանցի բարելավում» ծրագիր N 8495-AM վարկային համաձայնագիր: Վարկի գումարը՝ 50.500.000 (հիսուն միլիոն հինգ հարյուր հազար) ԱՄՆ դոլար, որից Ընկերության մասնաբաժինը կազմում է 28.194.486(քսանութ միլիոն հարյուր ինսունչորս հազար չորս հարյուր ութսունվեց) ԱՄՆ դոլար:</p>	<p>5. KfW բանկի, ՀՀ Ֆինանսների նախարարության և Ընկերության միջև 2014թ. դեկտեմբերի 9-ին ստորագրված «Կովկասյան</p>																																			

Էլեկտրահաղորդման ցանց-1 (Հայաստան-Վրաստան բարձր լարման էլեկտրահաղորդիչ գիծ/ենթակայաններ)» ծրագիր N BMZ ID: 2007 66 352 Վարկային և Ծրագրային համաձայնագիր: Վարկի գումարը՝ 10.200.000 (տասը միլիոն երկու հարյուր հազար) եվրո:

6. KfW բանկի, ՀՀ Ֆինանսների նախարարության և Ընկերության միջև 2014թ. դեկտեմբերի 9-ին ստորագրված «Կովկասյան էլեկտրահաղորդման ցանց - I (Հայաստան-Վրաստան հաղորդիչ գիծ/ենթակայաններ)» ծրագիր N BMZ ID: 2012 66 949 Վարկային և Ծրագրային համաձայնագիր: Վարկի գումարը՝ 75.000.000 (յոթանասուներեք միլիոն) եվրո:

7. Հայաստանի Հանրապետության և Ախյական Զարգացման Բանկի միջև 2014թ. սեպտեմբերի 5-ին ստորագրված «Էլեկտրաէներգիայի հաղորդման ցանցի վերակառուցում» ծրագիր N 3150-ARM(SF) վարկային համաձայնագիր: Վարկի գումարը՝ 15.192.000 (տասնհինգ միլիոն հարյուր ինսուներկու հազար) SDR:

8. KfW բանկի, ՀՀ Ֆինանսների նախարարության և Ընկերության միջև 2015թ. դեկտեմբերի 11-ին ստորագրված «Կովկասյան էլեկտրահաղորդման ցանց - I (Հայաստան-Վրաստան հաղորդիչ գիծ/ենթակայաններ)» ծրագիր N BMZ ID 2014 68 735 Վարկային և Ծրագրային համաձայնագիր: Վարկի գումարը՝ 83.000.000 (ութսուներեք միլիոն) եվրո:

9. Հայաստանի Հանրապետության և Եվրոպական ներդրումային Բանկի միջև 2015թ. մարտի 16-ին ստորագրված «Կովկասյան էլեկտրահաղորդման ցանց» ծրագրի ֆինանսական պայմանագիր: Վարկի գումարը՝ 10.000.000 (տասը միլիոն) եվրո:

10. KfW բանկի, ՀՀ Ֆինանսների նախարարության և «Բարձրավոլտ էլեկտրացանցեր» ՓԲ Ընկերության միջև 2016թ. մայիսի 30-ին ստորագրված «Կովկասյան էլեկտրահաղորդման ցանց - I (Հայաստան-Վրաստան հաղորդիչ գիծ և ԲԼՀՀ

կայան» Ֆինանսավորման և Ծրագրի իրականացման համաձայնագիր: Դրամաշնորհի գումարը՝ 10.000.000 (տասը միլիոն) եվրո:

11. Իրանի Արտահանման Հարգացման բանկի և Ընկերության միջև 26.06.2011թ. կնքված 900/M/ARM/09 Իրան-Հայաստան 400 կՎ երրորդ էլեկտրահաղորդման գծի և համապատասխան ենթակայանի կառուցում: վարկի գումարը 83.083.000 (ութսուներեք միլիոն ութսուներեք հազար) եվրո:

12. Սանիր ՖՁԵ և Ընկերության միջև 23.02.2012թ. կնքված փոխառության պայմանագիր Իրան-Հայաստան 400 կՎ երրորդ էլեկտրահաղորդման գծի և համապատասխան ենթակայանի կառուցում: Փոխառության գումարը 24.817.000 (քսանչորս միլիոն ութ հարյուր տասնյոթ հազար) եվրո:

Աուդիտորը պետք է հաստատի նաև, որ բացառությամբ ՎՀՄԲ-ի հետ համաձայնեցված դեպքերի, Ընկերությունը չի կարող կուտակել նոր պարտքեր, քանի դեռ Ընկերության եկամուտների և ծախսերի հիմնավորված կանխատեսումները ցույց չեն տա, որ այդ պարտքերի գոյացման ընթացքում յուրաքանչյուր ֆինանսական տարվա համար Ընկերության կողմից կանխատեսված զուտ եկամուտները առնվազն 1.2 անգամ գերազանցում են այդ տարվա բոլոր պարտքերին՝ ներառյալ Ընկերության կողմից կուտակվելիք պարտքերի սպասարկման համար պահանջվող գումարը:

Այս մասի նպատակների համար՝

(i) «Պարտք» նշանակում է Ընկերության ցանկացած պարտք, որը պետք է մարվի պարտքի առաջացման պահից մեկից ավելի տարիների ընթացքում:

(ii) Պարտքը համարվում է ձևավորված. (Ա) համաձայն այդ վարկի տրամադրման վարկային պայմանագրի, համաձայնագրի կամ այլ փաստաթղթի, կամ էլ նմանորինակ պարտքի կամ պայմանագրի, համաձայնագրի, փաստաթղթի՝ վճարման

ժամկետների փոփոխության, և (Բ) երաշխավորող համաձայնագրով այդ երաշխիքն ապահովող համաձայնագրի կնքման օրը:

(iii) «Չուտ եկամուտներ»-ը տարբերությունն է հետևյալների միջև.

(ա) Գործառնական գործունեության հետ կապված բոլոր աղբյուրներից ստացվող եկամուտների և զուտ ոչ ընթացիկ եկամուտների հանրագումարի, և

(բ) Գործառնական գործունեության հետ կապված բոլոր ծախսերի հանրագումարի, ներառյալ՝ վարչական, շահագործման ծախսերը, հարկերն ու այլ պարտադիր վճարները, բացառությամբ մաշվածության և այլ ոչ դրամական հոդվածների ծախսերի:

(iv) «Չուտ ոչ գործառնական եկամուտ»-ը տարբերությունն է հետևյալների միջև.

(ա) գործառնական գործունեությունից բացի բոլոր աղբյուրներից ստացված եկամուտների, և

(բ) (ա) կետում նշված եկամուտների ստացմանն ուղղված ծախսերի՝ ներառյալ հարկերն ու այլ պարտադիր վճարները:

(v) «Պարտքի սպասարկումը» պարտքի տոկոսների վճարումների և մայր գումարների մարումների ընդհանուր գումարն է, ինչպես նաև վարկի հետ կապված այլ վճարումները, եթե այդպիսիք կան:

(vi) «Հիմնավորված կանխատեսում» նշանակում է Ընկերության կողմից կազմված նվազագույնը տասներկու ամսյա կանխատեսում՝ նախքան նոր պարտքի ձևավորումը, ինչը թե՛ Բանկը, և թե՛ Ընկերությունը համարում են հիմնավորված, և ինչի վերաբերյալ Բանկը իրազեկել է Ընկերությանը դրա ընդունելի լինելու մասին, պայմանով, որ այդ իրազեկումից հետո ոչինչ տեղի չի ունեցել, որը կարող է կամ էլ կարելի է տրամաբանորեն ակնկալել, որ ապագայում բացասական ազդեցություն կունենա Ընկերության ֆինանսական վիճակի կամ աշխատանքի հետագա արդյունքների վրա:

(vii) Երբ Սույն մասի նպատակներով անհրաժեշտ կլինի մեկ ուրիշ արժույթով վճարման ենթակա պարտքը գնահատել վարկառուի հիմնական հաշվառման արժույթով, նման գնահատումը պետք է կատարվի այդ գնահատման ժամանակ արժույթի փոխանակման այնպիսի փոխարժեքով, որով կարելի է գումարը փոխարկել պարտքի մարման

նպատակներով, կամ էլ նման փոխարժեքի բացակայության դեպքում՝ Բանկի համար ընդունելի փոխարժեքով:
«ԲԷՏ» ՓԲԸ-ի ֆինանսական վիճակի գնահատականը նվազագույնը պետք է ներառի «Նպատակը» պարագրաֆում նշված դրույթները:

5. Անկախ աուդիտորի եզրակացություն

Աուդիտորը 2018թ-ի դեկտեմբերի 31-ի դրությամբ «ԲԷՏ» ՓԲԸ ֆինանսական հաշվետվությունների վերաբերյալ պետք է աուդիտորական կարծիք ներկայացնի՝ նշելով, թե արդյո՞ք այդ ֆինանսական հաշվետվություններն ըստ Հաշվապահական միջազգային ստանդարտների խորհրդի կողմից հրապարակված Միջազգային ֆինանսական հաշվետվությունների ստանդարտների, ապահովում են Ընկերության ֆինանսական վիճակի և գործունեության արդյունքների վերաբերյալ ճշմարիտ պատկերը 31.12.2018թ. ավարտված ֆինանսական տարվա դրությամբ:

1 Աուդիտորը պետք է հայտնի նաև (կարող է ներառել նաև լրաաբանող պարբերություն), որ վարկային միջոցները օգտագործվել են ըստ իրենց նպատակների և հաստատի, որ բացառությամբ ՎՋՄԲ-ի հետ համաձայնեցված դեպքերի, Ընկերությունը չի կարող կուտակել նոր պարտքեր, քանի դեռ Ընկերության եկամուտների և ծախսերի հիմնավորված կանխատեսումները ցույց չեն տա, որ այդ պարտքի գոյացման ընթացքում յուրաքանչյուր ֆինանսական տարվա համար Ընկերության կողմից կանխատեսված զուտ եկամուտները առնվազն 1.2 անգամ գերազանցում են այդ տարվա բոլոր պարտքերին՝ ներառյալ Ընկերության կողմից կուտակվելիք պարտքերի սպասարկման համար պահանջվող գումարը: Աուդիտորը պետք է հայտնի վերը նշվածի անհամապատասխանության ցանկացած դեպքի մասին:

Բացի դրանից, աուդիտորը պետք է իր աուդիտորական հաշվետվության մեջ առանձին մասով ներկայացնի «Այլ իրավական և կարգավորող պահանջների վերաբերյալ Հաշվետվություն»:

2. Ներկայացնի Ընկերության տարեկան եկամտի կամ շրջանառության գնահատական, որը կուղղորդի աուդիտորին

գնային առաջարկ ներկայացնելու համար:

Ի հավելումն Ընկերության ֆինանսական հաշվետվությունների վերաբերյալ աուդիտորի կարծիքի, աուդիտորը պետք է պատրաստի նաև ղեկավարությանն ուղղված նամակ, որում աուդիտորը պետք է:

ա) ներկայացնի աուդիտի ընթացքում ուսումնասիրված հաշվապահական գրանցումների, համակարգերի և ներքին հսկողության մեխանիզմների վերաբերյալ իր մեկնաբանություններն ու դիտարկումները,

բ) նույնականացնի համակարգերի և հսկողության մեխանիզմների թերություններն ու թույլ օղակները և կատարի դրանց բարելավմանն ուղղված առաջարկություններ,

գ) ներկայացնի ֆինանսական համաձայնագր(եր)ի դրույթների խախտման դեպքերը,

դ) ներկայացնի այն խնդիրները, որոնք ի հայտ են եկել աուդիտի ընթացքում և կարող են էական ազդեցություն ունենալ ծրագրերի իրականացման վրա,

ե) վարկատուի ուշադրությունը հրավիրի բոլոր մնացած այն խնդիրների վրա, որոնք աուդիտորի տեսանկյունից կարևոր են,

զ) ղեկավարությանն ուղղված նամակում ներառի ղեկավարության դիտողությունները,

է) եթե վերը նշվածին համապատասխան առաջարկություններ չկան և նամակ ղեկավարությանը չի պատրաստվել, ապա աուդիտորը պետք է գրությամբ հավաստի, որ աուդիտորի կողմից աուդիտի ընթացքում ուշադրության արժանի ոչինչ չի բացահայտվել:

Ֆինանսական հաշվետվությունները, ներառյալ աուդիտորի կարծիքը և ղեկավարությանն ուղղված նամակը պետք է տրամադրվի Ընկերությանը աուդիտի ենթարկված ֆինանսական տարվա ավարտից հետո ոչ ուշ, քան մինչև պայմանագիրը ուժի մեջ մտնելու օրվանից հաշված 30 օրացուցային օրվա ընթացքում: «ԲԷՏ» ՓԲԸ-ն ունի իրավական պարտավորություն դրա երկու օրինակը Համաշխարհային Բանկին տրամադրելու համար:

6. Տեղեկատվության հասանելիություն

Համաձայն «Համաշխարհային բանկի տեղեկատվության հասանելիության մասին քաղաքականության», որը գործում է 2010 թ. հուլիսի 1-ից և որի ազդեցությունը տարածվում է բոլոր այն ծրագրերի վրա, որոնց բանակցությունների հրավերներն ուղարկվել են 2010թ. հուլիսի 1-ին կամ դրանից հետո՝ Բանկը պահանջում է որպեսզի Վարկառուն ժամանակին և Բանկի համար ընդունելի եղանակով հրապարակի աուդիտ անցած ֆինանսական հաշվետվությունները: Բացի այդ, նշված ֆինանսական հաշվետվությունները Վարկառուից ստանալուց հետո, Բանկը՝ համաձայն իր վերոնշյալ քաղաքականության պահանջների, դրանք նույնպես դարձնում է հանրամատչելի:

Տեղեկատվության հրապարակման տեսանկյունից Ընկերության ղեկավարությանն ուղղված նամակները, հատուկ աուդիտները (այն է՝ ոչ ֆինանսական բնույթի) և աուդիտ չանցած ֆինանսական հաշվետվությունները (օրինակ՝ միջանկյալ ֆինանսական հաշվետվությունները) չեն համարվում աուդիտ անցած ֆինանսական հաշվետվությունների մաս:

Բանկը կարող է բացառիկ դեպքերում համաձայնել, որ Վարկառուն չհրապարակի աուդիտ անցած ֆինանսական հաշվետվությունների փաթեթը, եթե այն պարունակում է առևտրային գաղտնիք հանդիսացող տեղեկատվություն: Նույնիսկ, այս դեպքում Վարկառուն պարտավոր է հրապարակել աուդիտ անցած հաշվետվությունների հակիրճ տարբերակը Բանկին ընդունելի եղանակով: Բացառությունները հաստատվում են Բանկի ղեկավարության կողմից:

7. Ընդհանուր

Ֆինանսական հաշվետվությունների պատրաստման և պատշաճ հրապարակման համար պատասխանատու է Ընկերության ղեկավարությունը: Որպես աուդիտի գործընթացի մաս, աուդիտորը ղեկավարությունից կպահանջի գրավոր հաստատում աուդիտորին աուդիտի հետ կապված ներկայացումների համար:

Աուդիտորի համար պետք է առանց սահմանափակումների հասանելի լինի ամբողջ տեղեկատվությունը և աուդիտորին պետք է տրամադրվեն աուդիտի իրականացմանը նպաստող բոլոր պարզաբանումները, ներառյալ իրավական փաստաթղթերը, ծրագրի նախապատրաստման և վերահսկողության հաշվետվությունները,

ուսումնասիրության և հետաքննական հաշվետվությունները, նամակագրությունը և վարկային հաշվի հետ կապված տեղեկատվությունը: Աուդիտորը կարող է նաև պահանջել Բանկային գրանցումներում արտացոլված գումարների հատկացման և մնացորդների վերաբերյալ գրավոր հաստատում:

Ներգրավվածության այս պայմանը կմնա ուժի մեջ հետագա ֆինանսական տարիների համար, եթե չվերացվի, չփոփոխվի կամ չդարձրեցվի:

Աուդիտորը պետք է գիտակցի, որ Համաշխարհային բանկի ծրագրերի շրջանակում պատրաստված նյութերը ենթակա են Փոխառուի և/կամ Բանկի համապատասխան աշխատակիցների կողմից ուսումնասիրության:

Մասնակիցը պետք է ընդգրկված լինի Վերակառուցման և Հարգացման Միջազգային Բանկի համար անբողջովին ընդունելի իրավասու անկախ աուդիտորների ցանկում:

Պ Ա Ս Վ Ի Ր Ա Տ ՈՒ

«Բարձրավոլտ էլեկտրացանցեր» ՓԲԸ
Հասցե՝ ք. Երևան, Զ. Անդրանիկի փող. 1
«Հայբիզնեսբանկ» Մայթիա մ/ճ
Հ/Հ 1150001172630300

ՀՎՀՀ 01522459

Խորհրդի նախագահող՝


Կ.Տ. Մարտյան
(ստորագրություն)




Կ Ա Տ Ա Ր Ո Ղ

«Բի-Դի-Օ Արմենիա» ՓԲԸ
Հասցե՝ ք. Երևան, Դ. Անիադթի 23/6, 5-րդ հարկ
Ամերիաբանկ ՓԲԸ
Հ/Հ 1570013745270100

ՀՎՀՀ 01569792

Տնօրեն՝


Կ.Տ. Ստեփանյան
(ստորագրություն)



Կատարող

 գտնվելու վայրը _____
 հհ _____
 հվհհ _____

Պատվիրատու

 գտնվելու վայրը _____
 հհ _____
 հվհհ _____

**ԱՐՁԱՆԱԳՐՈՒԹՅՈՒՆ N
 ՊԱՅՄԱՆԱԳՐԻ ԿԱՄ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ
 ՀԱՆՁՆՄԱՆ-ԸՆԴՈՒՆՄԱՆ**

« » » 20 թ.

Պայմանագրի /այսուհետ՝ Պայմանագիր/ անվանումը՝

Պայմանագրի կնքման ամսաթիվը՝ « » « » 20 թ.

Պայմանագրի համարը՝ _____

Պատվիրատուն և Կատարողը՝ հիմք ընդունելով Պայմանագրի կատարման վերաբերյալ « »
 « » 20 թ. դուրս գրված N _____ հաշիվ ապրանքագիրը, կազմեցին սույն
 արձանագրությունը հետևյալի մասին.

Պայմանագրի շրջանակներում Պայմանագրի կողմը մատուցել է հետևյալ ծառայությունները՝

N	անվանումը	տեխնիկական բնութագրի համառոտ շարադրանքը	Մատուցված ծառայությունների				Վճարման ենթակա գումարը /հազար դրամ/	Վճարման ժամկետը /ըստ վճարման ժամանակացույցի/
			քանակական ցուցանիշը		կատարման ժամկետը			
			ըստ Պայմանագրով հաստատված գնման ժամանակացույցի	փաստացի	ըստ Պայմանագրով հաստատված գնման ժամանակացույցի	փաստացի		

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և դրական եզրակացությունը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց

 ստորագրություն

 ազգանուն, անուն
 Կ.Տ.

Ծառայությունն ընդունեց

 ստորագրություն

 ազգանուն, անուն
 Կ.Տ.

ԱԿՏ N
Պայմանագրի արդյունքը Պատվիրատուին հանձնելու փաստը ֆիքսելու վերաբերյալ

Սույնով արձանագրվում է, որ _____-ի (այսուհետ՝ Պատվիրատու) և _____-ի
Պատվիրատուի անունը Կատարողի անունը

(այսուհետ՝ Կատարող) միջև 20 թ. _____-ին կնքված N _____
պայմանագրի կնքման ամսաթիվը պայմանագրի համարը

գնման Պայմանագրի շրջանակներում Կատարողը 20 թ. _____-ին հանձնման-ընդունման
նպատակով Պատվիրատուին հանձնեց ստորև նշված ծառայությունները.

Ծառայության		
անվանումը	չափման միավորը	քանակը (փաստացի)

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

ԿՈՂՄԵՐԸ

Հանձնեց

ազգանուն, անուն

ստորագրություն

Ընդունեց

հայտը նախագծած ներկայացուցիչ՝

ազգանուն, անուն

ստորագրություն